

Radøy kommune

Saksframlegg

Saknr	Utval	Type	Dato
007/2017	Radøy eldreråd	PS	18.05.2017

Sakshandsamar	Arkivsaknr.:	Dokumentnr.:
Monika Soltveit Gabrielli	17/968	17/6061

Meldingar og referatsaker

Saksopplysingar:

Kommunalsjef for helse og omsorg Mette Fauskanger orienterer om mandat for prosjekt velferdsteknologi og i sak 008/2017 Høyering - lokal forskrift Helse- og omsorgstenester

Meldingar og referatsaker vert tekne til orientering

Radøy eldreråd - 007/2017

ELD - handsaming:

Rullering av kommunedelplan for idrett, friluftsliv og nærmiljø

Rådgjever kultur, Bente K. Hervik, orienterte om rullering av handlingsprogram i kommunedelplan for idrett, friluftsliv og nærmiljø 2016-2017. Radøy kommune skal kvart år rullera handlingsprogrammet i kommunedelplanen.

Frist for å koma med innspel til rulleringa er 15. juni. Er det nye anlegg som bør inn i planen? Kva for anlegg bør prioriterast høgast? Er det andre tiltak, utanom utbygging av anlegg, som kommunen bør gjennomføra innan idrett, friluftsliv og nærmiljø?

Kommuneplanen for idrett, friluftsliv og nærmiljø legg føringar for kommunen sine satsingar innan idrett, friluftsliv og nærmiljø, og er i tillegg styrande for korleis kommunen skal prioritera innkomne søknader om spelemidlar.

Velferdsteknologi

Kommunalsjef for helse og omsorg, Mette Fauskanger, orienterte om det vidare arbeidet med å leggja til rette for velferdsteknologi.

Radøy er med på to fellesprosjekt knytt til utvikling av velferdsteknologi. Det eine prosjektet er saman med Lindås og Meland, og tek sikte på å utvikla mest mogleg like tenester framover.

Kommunane har fått 800.000 kroner i tilskot frå fylkesmannen til dette arbeidet. Det tre kommunane har også sett av midlar til dette på årets budsjett.

Det vert sett ned ei prosjektgruppe, ei arbeidsgruppe og ei referansegruppe knytt til velferdsteknologi-prosjektet. Det blir "kick off"-konferanse for prosjektet på Nordhordland folkehøgskule 7. november, der eldreråd og råd for menneske med nedsett funksjonsevne vil bli invitert til å vera med.

Parallelt med dette prosjektet er Radøy også med i eit fellesprosjekt for heile Nordhordland.

Kommunalsjefen peika på utfordringa med å få eldre til å forstå kor viktig det er å få fibertilknytning i heimen, for å kunna gjera seg nytte av dei ulike hjelpemidlane som velferdsteknologien medfører.

Dette er tenester som vil skapa større tryggleik og gjer at eldre kan bu lenger heime.

Det vart frå medlemmar i råda peika på at det er ein viss skepsis til velferdsteknologi mellom eldre. Det vart understreka kor viktig det er å nå ut med informasjon om at dette handlar om enkle tiltak som gjer det tryggare å bu heime og at velferdsteknologi ikkje skal vera erstatning for varme hender. Det vart gitt uttrykk for at kommunen gjennom ulike kanalar må formidla verdien av å få fiber installert heime. Råda drøfta også ei mogleg støtteordning for eldre som vil knytta seg til fiberutbygginga i neste omgang.

Eldrerådet sette fram følgjande framlegg:

Eldrerådet gjer framlegg om leiar i eldrerådet, Norvald Elvik som medlem i referansegruppa i velferdsteknologi-prosjektet for Radøy, Meland og Lindås.

Eldrerådet tok meldingar og referatsaker til orientering, med tillegg som vart sett fram i møtet.

ELDREDAGEN

Eldrerådet drøfta eldredagen. Ein vart einige om at dagen vert markert 1. oktober på Smits møte- og selskapslokale og at ein startar arbeidet med å finna foredragshaldar. I tillegg vil ein prøva å få til ei orietering om velferdsteknologi.

Samarbeid med eldreråda i Lindås og Meland

Leiar, Norvald Elvik, har starta jobben med å få til eit samarbeidsmøte og fortset å jobba med dette.

Neste møte

Det vert **nytt møte i rådet den 28. august.**

ELD - vedtak:

Orienteringane vart tekne til orientering

Leiar i eldrerådet, Norvald Elvik, vert vald som representant til referansegruppa i velferdsteknologi-prosjektet for Radøy, Meland og Lindås.

Eldredagen

Eldrerådet drøfta eldredagen. Ein vart einige om at dagen vert markert 1. oktober på Smits møte- og selskapslokale og at ein startar arbeidet med å finna foredragshaldar. I tillegg vil ein prøva å få til ei orietering om velferdsteknologi.

Samarbeid med eldreråda i Lindås og Meland

Leiar, Norvald Elvik, har starta jobben med å få til eit samarbeidsmøte og fortset å jobba med dette.

Neste møte

Det vert nytt møte i rådet den 28. august.

Vedlegg:

Versjon 23.02.17 Prosjektmandat Interkommunalt Velferdsteknologi